

金

石

萃

編

金石萃編卷三十

賜進士出身 誥授光祿大夫刑部右侍郎加七級王昶撰

東魏

中岳嵩陽寺碑

碑高三尺二寸五分廣四尺五寸共三十九行行三十八字隸書末後移立年月一行正書今在嵩山會

善寺
戒壇

中岳嵩陽寺碑銘序

夫至理空淨非大智無已寄其言法身疑
家非妙信無已感其像故託金軀於至敬
之國布慈雲於三士之世顯皮紙骨筆之

重半偈亡身之貴是已須達崇善填金弗
愒優主仰戀鑄檀寫真斯皆聖人留軌爲
物樹業故然乃遺形八万還昇慧頂齊大
德沙門生禪師遊三空已歸真泯法流而
希世控三車而徹礙秉常樂已徧軌隱顯
無方沉浮嶺道風遠被德香普薰乃皇
帝傾心已師資朝野望風而屈膝此山先
來未齊塔廟禪師將欲接引四生永舜沸
鑊拯拔群品遠離炎鑪一茲福地創立神
場當中甚之要害對衆術之樞石乃北背

高峯南臨廣陌西帶濬淵東接脩林於太和八年歲次甲子建造伽藍築立塔殿布置僧坊略深梗概王公卿士咸發布尚之心凡厥庶民並欣喜捨之志司空公裴佗昔在齊都欽承師德願歸中國爲寺檀主本願既從誓歸□□禪師乃構千善靈塔一十五層始就七級緣筈中止而七層之狀遠望則迢亭巍峩仰慕天漢近視則□崑巖嶷旁魄絕望自佛法光興未胥斯壯也禪師指麾成之匪曰禪師背復雖復名

工巧匠無能陟其嶮峭禪師大弟子沙門
統倫豔二法師並妙思淵蹟神超難量繼
輒曰依津□□世覺華散藻戎香盃馥與
諸岡志已師遺功成茲洪業分稟□塲更
窳兩塔並各七層仰劄師顛殊特妙巧□
剝秀出塔殿宮堂星羅棋布內外圖寫木
生塗曰十□尊徽無量億數□□金爲相
裁玉成象瓌碧煜爍丹彩絢燿色煥□□
光輝宇宙異類衆□□知厝緒龕房禪室
側□環遠廷閣通門前厦□□□廊重複

苑衍逶迤規而有楷短而有則溝壑雙泉
四殖甘菓柳裊長徐松擎圓蓋池荷焔灼
翠葉紅輝微波碧激潺流潑口異禽巡獸
飲喙相鳴碩學名賢踵武相望引身清誦
列館法言洪鍾一扣應真四集嶺響八飛
香煙似霧虔禮禪冢六時靡輟方爲衆聖
万劫之靈場八輩十方三世之苑園也天
平二年四月八日倫豔二統乃刊石樹碑
雕飭尊像贊貽嘉福顯彰聖儀高定大沙
門統遵法師是懷體道戒珠皎潔仁智明

敏器宇汪洋開妙思於三空之表顯真如
於四忍之外接引群生丹瓶巨海率諸已
義繕立天宮勲脩嚴巖兼造白玉像一龕
眷屬侍御刮厠鏤磨妙匠精巧三十二滿
八十好圓色揜耀靈光暉夜口口諸勝著
仰資皇帝聖廟諱無窮國境寧泰太后德被
蒼口永保仁齡預捨一豪罔登我淨若見
若聞等一常樂傍盡邊塵復窮來際咸鍾
此福其詞曰

明明大聖皎皎無著至家至妙甚然常樂

無像無言形名應世七步舉手播宣苦諦
聲光振動濯我塵滯化息雙林終歸寶際
金徽言覆塔像勃興香尊避坐玉寶踊昇
爲摸爲措永劫衽承維大沙門權撲應傳
英風秀朗廟諱通常住道德芳烈帝后欽裕
構造靈基朝野傾務迹摹妙喜近光祇樹
唯聖唯賢爰依爰附億兆來蘊天龍虔仰
城芥千空此基無爽

大唐麟德元年歲次甲子九月景午朔十五日庚申

從嵩陽觀移來會善寺立

碑記生禪師造塔及其徒倫豔繼造二塔事書法不
工而碑文可誦碑後刻大唐一行則唐人固以為舊
物而珍之矣歐趙錄却不載 碑文東作東矩作短
潛作濱馴作述厥作喙洋作庠鶩作務惟皇帝太后
不跳行不空闕猶存古式家字三見曰法身凝家曰
虔禮禪家曰至家至妙廣韻家與寂同莊子注取其
家冥無情耳家音寂本亦作寂

金石文
字記

東魏隸書曰中嶽嵩陽寺碑銘序共九百五十六字
東魏天平二年刻石無撰書姓名筆法頗合風致嵩
自啟母諸闕漢篆外唐以前書最少此其冠也碑上

截刻佛相雕鏤層叠佛像隆起餘地鐫平文刻於下
截當碑四分之一其字之上方又刻空方六寸許深
入二寸許規制亦迥異後代也北齊諸碑俱仿此式
碑末正書三十字曰大唐麟德元年歲次甲子九月
景午朔十五日庚申從嵩陽觀移來會善寺立寺自
隋大業已改爲觀唐避世祖諱丙字易爲景字碑之
移在營奉天宮時立於會善寺佛殿東楹久無剝蝕
尚得完好今康熙四十八年己丑歲重修佛殿更移
立於寺西之戒壇

說嵩

碑以僧坊爲僧房以堯衍爲蜿蜒以巡獸爲馴獸以

飲啄爲飲啄以苑囿爲苑囿以汪庠爲汪洋以丹航
爲舟航以蒼海爲滄海或借或誤都未可知書矩作
短顯係筆誤築立分冀蓋不可識

金石存

洛陽伽藍記云嵩高中有嵩陽寺卽此是也碑云司
空公裴衍昔在齊都欽承師德願歸中國爲寺檀主
本願旣從雲歸云云按魏書列傳云裴粲弟衍字文
舒仕蕭寶卷景明二年始得歸國授通直郎衍欲辭
朝命請隱嵩高又云贈使持節車騎大將軍司空相
州刺史蓋其隱時與生禪師有舊也碑文宗爲家寫
爲寫軌爲軌拊爲搯東爲東殿爲殿度爲庶險爲嶮

館爲館飭爲飭絜爲絜航爲航皆別字云對椒山之
掘死刃當是紐字又云潺流潰瀨潰卽濺字正文三
倉云潰汗灑也江南言潰山東言瀦以今方音定之
亦信爲濺字顧炎武以爲潛字之俗非也又云預捨
一彖彖不從毛用古字

中州金石記

右中岳嵩陽寺碑碑立於天平二年而文云仰資皇
帝聖歷無窮國境寧泰太后德被蒼海永保仁齡攷
孝靜帝以清河王世子嗣大統而清河王未有尊號
胡妃亦無太后之稱前朝諸后或已歿或別嫁不識
此所稱太后何人也碑書馴獸爲巡獸汪洋爲汪洋

此古字之通用者若東作東樂作樂則違六書之旨矣天平東魏年號潘氏金石文字補遺題爲北齊者誤潘所錄本以補顧氏之闕此碑顧氏已載而復收之亦失於檢點也

潛研堂金石文跋尾

碑在會善寺廢戒壇字多漫蝕予今收得舊本復次其文云大德沙門生禪師隱顯無方沉浮崧嶺此山先來未有塔廟禪師卜茲福地創立神場當中岳之要害對孤術之樞牙司空公裴衍昔在齊都欽承師德願歸中國爲寺壇主本願旣從雲歸表節魏書列傳衍字文舒仕蕭寶卷至陰平太守景明二年始得

歸國授通直郎衍欲辭朝命請隱嵩高碑所謂雲歸
表節實與傳合也衍後歷顯仕北討葛榮軍敗見害
贈使持節車騎大將軍司空相州刺史今碑稱司空
公者舉其贈官也後稱禪師大弟子沙門統倫豔二
法師各窠兩塔仰副師願沙門統者魏制縮轄僧棍
之名釋老志沙門統惠深上言是其證也

授堂金
石跋

按碑云司空公裴衍攷北史裴叔業傳叔業兄子
衍仕蕭寶卷爲陰平太守景明二年歸國請隱嵩
高上表詔許世宗之末出山千祿肅宗除建興太
守河內太守孝昌初蕭衍將曹敬宗寇荊州詔衍

救荊州大破之除使持節散騎常侍平東將軍假
安東將軍北道都督鎮鄴西之武城封安陽縣開
國子食邑三百戶相州刺史安樂王鑒叛逆告變
詔衍討平之除撫軍將軍相州刺史假鎮北將軍
北道大都督進封臨海縣開國公增邑千二百戶
仍詔衍北討葛榮軍敗見害贈使持節車騎大將
軍司空相州刺史衍之歷官始末如此蕭寶卷卽
齊廢帝嗣立之初建元永泰次年改元永元三年
爲魏宣武帝景明二年是年衍歸國請隱嵩山至
崑山之年在世宗之末入仕之始在肅宗初年則

其在山有十五六年之久矣又十年爲孝昌初元
遂有荊州之救三年有安樂王璽之討是冬十二
月歿于葛榮之戰下距天平二年立碑之歲又隔
八年碑述倫豔二師更卓雙塔之功而推原生禪
師勛建之始因追溯司空公植去之力也碑書不
必論其工拙北朝隸體自多如此文云顯皮紙骨
筆之重語本洛陽伽藍記碑立於天平二年文稱
仰資皇帝聖歷無窮者孝靜帝也太后德被蒼海
者攷靜帝時無太后此稱太后似指臨朝稱制之
宣武靈太后然出帝時已沈於河矣所未詳也金

石存謂築立分稟蓋不可識築卽築字卍反寫耳
分稟口塼更寧兩塔詳玩其意稟卽稟字又卽稟
字稟通塩字坎塩不平也分稟者謂平其坎塩營
其塼埴而建兩塔也又云以僧坊爲僧房碑中有
房字兩見此似非以坊爲房仍是寶坊之義耳惟
徧軌之徧盞馥之盞甚不可識對徧術之樞疇中
州金石記釋作樞紐字形不類授堂金石跋釋作
樞牙恐亦未確存疑以俟攷

比邱洪寶造像銘

石高四尺六分廣九寸三分上截
像下截銘九行行二十七字正書

夫需真髣廓妙絕難測非言莫能宣其旨非像無以表
其狀言宣二六之教像跡四八之璣豈不淵鑿冲漠魏
魏惟極者哉是以務聖寺檀主張法壽能於五蓋重羅
之下契斷恩愛塵勞之縉網於熙平二年捨宅造寺宿
願暫像福不止已煩度法界壽其羅絡情苞聖境自非
藉因積劫莫貴累世者熟能發茲宏闊願行者焉息榮
遷循和行慈仁孝世習精懿志慕幽寂妙真遐願刊石
建像釋迦文佛觀音文殊仰述亡考平康舊願復於像
側隱出无量壽佛福洽法界考妣等神捨茲質形悉口
稟淨境同曉薩雲覺道成佛

大魏天平二年歲次乙卯四月十一日比丘洪寶銘

按此碑務聖寺比丘洪寶為檀主張法壽捨宅造

寺其息榮遷脩和刊石造像因作銘以記其功德

也北碑多以子為息云息榮遷脩和者殆法壽之

子也熙平二年捨宅天平二年刻銘是在造寺之

後十九年矣洪寶庸僧文字皆不足深論

司馬昇墓志銘

石高廣均二尺一寸五分二十六行行二十一字正書今在孟縣段曲村張方典家

魏故南秦州刺史司馬使君之墓誌銘

君諱昇字進宗河內温縣孝敬里人也其先晉口帝之

南襄曾祖彭城王禧金聲於晉闔作蕃牧於家邦祖荆
州才地孤維震玉譽於江左來賓大魏為白駒之客始
踐北都逢授待中使持節征南大將軍開府儀同三司
十州諸軍事封瑯琊王後遷司徒公父□□□鎮割隴
西開右著唯良之績右慕帝王之資憑萬乘之鑿夙慧
早成絕於群輩君志性貞明稟操鯁直又能孝敬閨門
肅雍九族鴻才峻邁聲溢洛中以孝昌二年釋褐太尉
府衛叅軍又除懷縣令雖牛刀耻雞且錦遊邦里莅政
未幾禮教大行君臨茲百里承流敷化故能申述典謨
奉遵皇猷使盜息如疇藏令行如禁止懷邑之民咸稱

良翰方糜好爵而窮仕路極纓寃以官王察如天道無
微弔善徒言邁疾一朝哲人云亡以天平二年歲次乙
卯二月廿一日春秋讎有一薨於懷縣贈使持節冠軍
將軍都督南秦州諸軍事南秦州刺史以其年十一月
七日至於溫縣但以日月不停遷窆有期墓門刊誌勒
銘泉扉其詞曰

盛矣終源發業晉軒隴西之子瑯琊之孫如沐斯潔如
玉之溫江賢謝美今儻何言募武彭城承流全晉萬乘
之肖龍德之應辰極方高蒼海比潤崇基卓立辭矣孤
峻少播令問弱冠飛聲克在集譽讓彼槐庭 帝嘉明

德作邑懷城義風炯舒道化雲行才明不壽自古在元
顏生二九萎哲殲賢之子之亡如仕之年永辭白日其
歸黃泉遠送平原塋於溫縣隴樹冬寒夏凝霜霰勒銘
德城誌其鄉縣萬歲千齡誰聞誰見

右司馬昇字進宗墓誌銘其曾祖祖父誌不著其名
魏史亦無司馬進宗之傳姑以誌中所云祖荊州來
賓大魏授侍中使持節征南大將軍開府儀同三司
十州軍事封瑯琊王遷司徒公考之則其人爲司馬
楚之按魏書司馬楚之傳略云晉宣帝太常旃之八
世孫父榮期爲梁益二州刺史遭變楚之送父喪還

值劉裕芟夷司馬戚屬亡依從祖荊州刺史休之及
休之爲裕所敗楚之收嶽據長社後降於魏魏假楚
之使持節征南將軍荊州刺史後劉義隆入寇以楚
之爲安南大將軍封瑯琊王屯潁州距之破其諸軍
以散騎常侍徵還尋從征涼州蠕蠕拜假節侍中鎮
西大將軍開府儀同三司雲中鎮大將朔州刺史王
如故薨贈都督梁益秦寧四州諸軍事征南大將軍
領護西戎校尉揚州長史謚貞王云云據此蓋與誌
中所言相應惟缺遷司徒之文耳然又按庾開府集
周大將軍司馬裔碑文云晉祖楚之入魏授平南大

將軍荊州刺史襲封鄆王又授使持節侍中安南
大將軍開府儀同三司者與晉史及此誌略同至其
載楚之卒後贈征西大將軍都督梁益秦寧荆兗青
豫鄂洛十州諸軍事揚州牧謚貞王者則尤與碑所
云十州諸軍事遷司徒公者相合再考魏書北史楚
之外亦無有官職封爵似此者此以知其爲楚之無
疑也然魏書謂楚之父榮期爲梁益二州刺史遭變
而庾開府集司馬裔碑乃謂曾祖楚之爲晉太傅錄
尚書揚州牧會稽文孝王之次子元顯之幼弟元顯
見害之後桓氏篡逆之初容身屠釣收合餘燼入魏

云云則是謂楚之父爲司馬道子與魏書所書楚之
父爲司馬榮期者不合又庾碑所言司馬道子爲會
稽王卽晉書所云道子爲簡文帝之子出後瑯琊王
改封會稽王者與此志所言進宗曾祖彭城王者亦
不合按此誌所云曾祖彭城王者乃或卽魏書所謂
司馬榮期考晉書宗室傳彭城王惟子植植子釋釋
子雄雄坐奔蘇峻更以釋子紘嗣紘子元元子宏之
皆襲封彭城王更以魏書楚之傳所云太常瑄八世
孫推之則楚之父榮期與彭城王宏之爲昆弟輩行
或與宏之同出于元或出于元之弟俊皆未可知然

俱爲彭城王權之後雖嗣世封王者爲元但榮期守
上遭變意當時必贈以王爵又以其爲彭城之後或
卽贈彭城王故誌卽以曾祖彭城王稱之則彭城王
之稱其於榮期亦近似者究之此誌所云祖荊州者
斷爲司馬楚之無疑特於曾祖不著其名或則以榮
期慘遭禍變故不忍正著其名耳至庾禪著楚之所
生與魏志不合之處更以俟博雅考焉又誌言父鎮
剖隴西關右著唯良之績者按魏書楚之三子長寶
允次金龍次躍龍寶允仕至鴈門太守金龍躍龍俱
至尚書今此誌云著唯良之績亦似指寶允而言蓋

引用太守故實則其非金龍躍龍可知特隴西關右
 與鴈門不合或寶允前嘗官於彼而後守鴈門亦未
 可知耳又魏書金龍三子長延宗次纂字茂宗次悅
 字慶宗則或名或字皆與進宗之字相似轉疑名延
 宗者之亦為其字而史失其名耳然則進宗為楚之
 之孫殆無疑矣進宗作令桑梓有惠政可傳也孟縣志

按碑所述先世孟縣志攷證已極詳明碑稱曾祖
 彭城王祖荊州但書爵書官而不書名與高湛碑
 同是當時誌銘之一例父字下缺三字想亦是官
 位可知使君溫縣人而官懷縣令二縣同屬河內

故云錦遊邦里也盜息如豸藏令行如禁止兩如
字皆當作而字讀纓窵當是纓冕別體字冕於懷
縣是卒于官也縣令卒而書冕是不拘于公侯之
卒稱冕者矣

王方略造須彌塔記

記高廣皆一尺三寸五分十二行行十二字正書其
第八行至十一行上中間有龕穴長五字許在偃師
縣古聖寺

大魏天平三年歲次丙辰正月癸卯朔合邑等敬造須
彌塔一堰仰爲皇帝陛下師僧七世父母所生父母因
緣眷屬後爲遍地眾生常與善居珍勒三會唱在初首

下生人間侯王長者合已諸人所願如是

教化主王方略

已師法顯

已師道寶

比丘道景

比丘僧惠

賈仲 郭阿

石口曹和 唯挪到口口

碑中有佛像長六寸記字畫鋒穎透露可想見六朝筆勢碑在偃師北十八里古聖寺此寺意即魏時所

立縣進士武君億得于土中急置寺壁手拓其文寄

予 中州金石記

比丘丘壘會造像記

記橫廣八寸高三寸十
行行四字五字正書

天平三年五月十三日比丘丘口口壘會口口阿容口

口自為己身師僧眷屬造觀世音像一區并及有形共

同斯福

高湛墓誌銘

石高一尺六寸廣一尺五寸七分二十五
行行二十七字正書今在德州封氏家

魏故假節督齊州諸軍事輔國將軍齊州刺史高公墓

誌銘

君諱湛字子澄勃海滌人也靈根遠秀啓慶兆於渭川
芳德遐流宣大風於東海作範百王垂聲萬古者矣故
清公勢重鄭伯捐師元卿位尊管仲辭禮皆所以讓哲
推賢遠明風軌祖冀州刺史勃海公文照武烈望擲中
夏惠洽朝野愛結周行考侍中尚書令司徒公英風秀
逸儁氣雲馳剋顧帝鄉威流宇縣君稟慶緒於綿基挹
餘瀾於海澳幼尚端凝長好文雅非道弗親唯德是與
逍遙備素之閒慕中穆之遺風俳佻文史之際追牧馬
之逸藻至於鼻春灑翰席月抽琴邁昔哲以孤遊超時

流而獨遠熙平啓運起家爲司空參軍事轉揚烈將軍
羽林監天平之始襄城阻命君文武兩兼忠義奮發還
城斬將蠻左同歸朝廷嘉其能縉紳服其義倣驪驤將
軍行襄城郡事君著績旣崇賞勞未允尋除使持節都
督南荊州諸軍事鎮軍將軍南荊州刺史於時僞賊陳
慶率祗攻圍孤城獨守載離寒暑終能剋保邊陲全怙
民境復除大都督行廣州事享年不永春秋卅三元象
元季正月廿四日終於家 皇上動哀能言灑淚迺有
詔曰故持節都督南荊州諸軍事倣鎮軍將軍揚烈
將軍員外羽林監行南荊州諸軍事南荊州刺史當州

大都督高子口識用開敏氣幹英發擁搆蕃韜誠効尅
宣臨難殉軀奄從非命言命遺績有悼于懷宜申追寵
或光注烈可贈假節督齊州諸軍事輔國將軍齊州刺
史粵元象二年十月十七日遷葬於故鄉司徒公之塋
千秋易注萬古難留故鑄石泉門以彰永久其詞曰
丹剡降祉姜水載清大人應期命世挺生垂竿起譽罷
鈞流聲經綸宇宙莫之與京憲司下蕃公衡上宰旣顯
營丘復樹東海四履流芳五城降綵繁柯茂葉傳華無
改伊宗作輔忠義是依清澗昏霧橫掃塵飛日月再朗
六合更暈玉帛斯集福祿終歸仁壽無遠積善空施風

酸夏草霜結春池崑山墜玉桂樹摧枝悲哉永慕痛矣
離長

乾隆己巳秋德州衛第三屯運河決東岸岸崩得此
石文字尚全宋蒙泉彌編修以予嗜金石刻也遣人
搨一本見貽惜高君之名不見於魏史碑文有尋除
使持節都督南荊州諸軍事鎮軍將軍南荊州刺史
按魏書地形志有荊州有北荊州無所謂南荊州者
而攷通鑑所載是時東魏尚有東荊州西荊州亦皆
志所未載蓋其時干戈搶攘僞置州名甚多史家不
能詳也元象二年即興和元年據魏書本紀是年十

一月癸亥改元碑建於十月故猶稱元象碑不書湛
 祖父之名或云當是高肇之子肇為尚書令遷司徒
 肇父颺贈渤海公與碑官位頗合但本傳無湛名未
 敢定也湛有臨難捐軀之節宜見於史不幸與齊文
 襄武成同名殆作史者避齊諱故并其事沒之乎千
 載之後陵谷變易而留此一片石以顯湛之名不可
 謂非幸矣而其死於何人之手碑亦諱而不書使人
 讀其文而不詳其殉難本末則又湛幸中之不幸也

潛研堂全
石文跋尾

志云勃海滌人也滌即脩字周禮司尊彝凡酒脩酌

注云脩讀如滌是也

漢蔡湛須蕭滌而後漢郡國志

雲消蕭滌卽蕭條

勃海郡脩縣故屬信都前漢地理志信都國脩縣顏

注脩音條周亞夫傳封條侯顏云縣在勃海地理志

作脩字其音同爾

漢劉衡碑除脩令詩曠其脩矣釋文云脩本或作脩

功臣表

亞夫紹封脩侯顏注云脩讀條馥案地理志勃海郡

無脩縣有脩市縣應劭音條亞夫所封乃脩縣非脩

市也顏不稱信都而屬勃海似誤蓋脩縣自後漢始

隸勃海此志以滌屬勃海白不誤晉勃海郡有脩縣

元和郡縣志云本漢脩縣晉改條爲脩然功臣表已

作脩字惟亞夫傳作條耳誌中驩驪將軍驩字從馬

余在洛陽得銅印文曰驪驤將軍章字亦從馬案魏書世祖紀始光二年初造新字千餘頒下遠近永爲楷式驪卽新造之一也

桂馥跋

右碑錢辛楣少詹論之甚詳湛字子澄孝靜詔字而不名尊之之意亦制詔異例也碑字秀勁爲唐時虞緒諸家所本其中滌人卽修人古多通用至標作擗蚪作剡稟作稟濶作濶翰作翰席作席龍驤作驪驤旅作旅象作象及从不與从彳互用皆六朝人好異故變其體耳末句離長二字倒書碑未改正

山左金石志

按此碑正書每字界方格筆法秀勁文字完善其

損者僅詔語中高子澄之澄字耳魏書地形志有三荆州一曰北荆州武定二年置領伊陽新城洧北三郡一曰荆州太延及太和中置領南陽順陽新野東恒農漢廣襄城北清恒農八郡一曰洛州注云太延五年置荆州太和十一年改洛州治上洛城領上洛上庸魏興始平葭和五郡北荆州置于武定二年在元象二年之後當高湛之世旣無所爲北荆州則但有一荆州而已或者洛州之地舊有荆州之稱當時因目洛州爲南荆州亦未可知當孝靜帝天平三年四年之間洛州上洛一路

高敖曹與西魏寶炬交攻至四年十月寶炬行臺
宮景壽都督楊白駒寇洛州又遣其子大行臺元
季海大都督獨孤如願逼洛州又遣其都督趙繼
宗右丞韋孝寬等攻陷豫州碑所謂偽賊陳慶率
旅攻圍孤城獨守載離寒暑似卽指此事其時距
元象元年高君之卒未久也玩碑云終能克保邊
陲全怙民境則南荊州城不失也復除大都督行
廣州事是事定而遷官也元象元年正月廿四日
終于家是非臨陣捐軀也孝靜詔語謂臨難殉軀
奄從非命者似追叙其孤城獨守時事或受傷而

歸耳元象二年十一月改元興和湛以十月葬故
尚稱元象二年孫觀察星衍六朝金石記此碑有
季雒跋云銘詞六合更暈與依飛爲韻是暈卽暉
字說文有暉無暈新附妄增之又馬八尺以上爲
龍說文作駉六朝人因造爲駉字

敬史君碑

碑高六尺八寸廣三尺五寸二十六行每
行五十一字正書在長葛縣隱山書院

禪靜寺刹前銘 敬史君之碑

公名口字顯儁平陽泰平人蓋虞舜之苗裔田敬仲之
後也舜有康哉之唱敬有和鳴之應德微書史道合無

名自茲以降世阜哲人龜組繖襲英聲不朽公資黃中
之雅氣稟川岳之粹靈苞一德於懷抱淵萬頃於匈衿
摻節端華風神雅峻博學多通無所成名振徽音於綺
歲播九德於冠年豈伊一日千里寔曰王佐之才解褐
奉朝請於時女石稱制權移外戚黨樹私門謀危王室
公乘義發憤肆忠奉國結周公河西之略咨義真折角
之恥掛冠辭闕杖劍歸鄉馬步方州翹心日角孝在統
履攝履還朝 帝嘉迺功用優勲賞封秦平縣開國子
除晉州別駕永安云季元兇伏罪殘醜遺燼更相鳩率
始資賈誦之計終成李郭之舉責罪宣平交兵象闕長

載百萬胡騎千群 大丞相勃海王德隆齊晉作牧
都志存匡合克剪封鯨以公器宇淵亮民望所歸特申
情悃委以經謀公深識時雄罔計強弱豹變從時應機
而起毗文贊武專按劍之功帷籌野戰參斷鯨之力長
蛇旣躬龜鼎惟新策勲有與戎剛功效進封永安侯食
邑千戶拜車騎將軍度支尚書俄遷都官尚書公位居
省闕職在樞機竭忠奉上庶情求瘼獎進英賢糾癘奸
愿宿滯必申頽綱出整今 上德配靈黃融齊日月鑒
殷徒相未遑外畧秦隴放命乘此罪悛駟率戎虜擾我
生民汾晉邇遐偏被其毒惟捍所寄事符賢桀迺以公

爲汾州刺史尋轉晉州刺史車騎侯如故公兼麾出閭
佩錦歸鄉明賞罰以勸元戎敷仁澤以字黎庶乘機迭
出智勇兼舊口聿未周姦深遁跡百城婦樺四民歸堵
敢飯之嗙不息安居之詠更新雖李牧御邊細侯治雜
不能尚也又燕司失馭編荒作逆連黑山之衆時黃巾
之勢縱橫海表陸梁幽冀震感 皇衷命公是討公運
六奇於帷幄忘七尺於戎行探淮陰平趙之畧協段熲
破羌之謀廣張旗幟厲怒三軍紛紜馳突遂夷兇醜凱
旆而歸增隆寵秩拜儀同三司韓地邊嶮繡連蠻楚夏
風徼改影僞成俗審人不恭鴆張嶮點虜回資玩威

壇塲歷政爲艘莫能芟遏百姓厥傷流離畧盡 天子
悼兆民之荼炭惟遵祐之須才終朝忘食夜分不寢以
公畧不世德効累彰除殘拯溺非莫可加拜驃騎大將
軍潁州刺史大都督潁州諸軍事儀同三司開國如故
公深惟臣辱職不求易喜遇艱根薄言來踐輕賦斂以
阜民財勞吐握以招賢俊嚴治烽候宿拔輕肥摧火或
舉豹騎爭先鬼出電入梟囚万計賞不論功罰必當罪
人物輻輳纒負雲歸玉燭登年絃歌不息亦旣芟夷世
難切濟生民復惟舟梁苦海運茲迷溺敬崇三寶翹翥
九劫望維衛以虛心念毗耶而延佇此地寔爲高敞眺

實遐隆遠乘山岳邇帶池閣惟金剛之妙宅諒神基之
淨土故平陽太守潁川太守使持節秦州刺史梁洪雅
攝情物外宅志道場爰建精廬鬱茲形勝水火亟交季
歲微積龍宮梵室彫落朽故公迺勉率僚佐肅心營造
遠訪名工窮盡巧麗建七層之寶剎寫雙樹之光儀金
瓊疊照朱紫聰華長輝四密廣夏清疎名僧遠萃大法
津流憑此至誠仰頌 皇帝陛下祚隆天地齊光九切
化漸三塗率偕四果口日誓劫順終如始有滅有生無
虧八万之回無生無滅濟此娑婆之苦湛露易晞貞剛
惟久或裁金石永昭不朽作頌曰 惟聖之後達者克

昌代綰珪組世有蘭芳挺茲明德隆贊霜王齊鑣管范
閑步蕭張弱齡驗增岐年秀發藉蔭聖童何齊初月疾
惡如風趣善如蹶百行斯兼三省無闕作牧西蕃君臨
南甸荒服來庭鯨鯢由剪政行保部化貊豨口大啓干
乘職聯三鉉發揚拯厯開職道矇飛甍架兩寶剝分甕
月光照曜日映玲瓏業茲世福永樹來功

新除使持節都督潁州諸軍事
驃騎將軍潁州刺史當州都督崔叔仁

施地檀越故潁川太守王儒

檀越元固憐施地作拾畝

檀越口景和儀和施地卅畝

檀越朱景略息恩和施地廿畝

維大魏興和二年龍集庚申

碑陰

碑陰分六列第一二三列各三十行四列五行五列二十八行六列六行並正書

邑子中軍將軍潁州長史朱果 安東將軍銀青光祿

大夫潁州督府長史趙懃之 持節鎮南將軍潁川太

守高冲 持節假征西將軍太中大夫陽翟太守敬鴻

顯 持節假安東將軍許昌太守呂道興 陳留太守

敬忻小郎君敬清奴 州錄事參軍敬遵顯騎兵敬穆

州別駕薛宗邑子長流袁孝則 州治中崔叔亮邑

子外兵柴軌 州司馬崔子王邑子外兵王貴 州治

中毛集邑子州散騎楊業 州治中敬伏護邑子散騎

匡乾 中軍將軍敬景儁郎中郭延買 中兵敬乾歡

潁川郡承孟延和 主簿敬頻 中兵參軍薛副 主

簿敬子瑜 功畧參軍薛畧 鎮城樊後興 集曹參

軍李弁 葺社令魏禎 都督井盆 許昌令楊悅

都督敬世 臨潁令郭叔 都督郝冲 潁陰令柴興

都督劉湖 許昌令柴儁 都督敬珎 隱陵令孫

祖 都督裴祥 扶溝令張靜 都督素閣 州都陳

始和 都督薛賓 州都郭憲 都督伏愛 州主

簿陳延 都督陳疾 中兵梁蘭景 都督王和 長

流胡長儁 都督思和 鎧曹賈思慶 都督王顯

以上第一列

司馬彭預 都督王遷 都督張賓 都督李柱 都

督庠翫 都督王榮 都督趙珎 都督韓畧 都督

韓章 都督薛瑛 都督元志 城司魏係 士曹李

遠 默曹姚泰 士曹宋孫 功曹詭卓 門下程遠

祭酒唐纂 祭酒元源 祭酒孫欣 西曹石纂

西曹楊环 主簿張秀 主簿趙安 邑子姜賓 賓

邑子姜始宗 邑子龍伯達 邑子龍讚 邑子李遵

邑子和祖

以上第二列

中堅將軍潁川驃大府倉曹參軍向毘 許昌太守趙

文光 謝遠 民望沈清 州主簿別駕陳遵 趙亮

民望孫獻 郡功曹陳敬 都民望陳樹 民望許容

邑子陳始明 民望陳世用 民望藥祭 都督陳胡

民望孫世通 長史荀樂 都督王揆 民望宋大

業 民望趙珣 都督靳輝 民望孫騰達 民望李

雙 都督介歡 民望姜江珣 騎兵朱海 都督張

艷 民望趙龍光 月令戴翔 都督許祖 民望劉

元才 西曹馬超 都督趙遵 民望許天扶 錄事

董景 都督徐延 民望韓次賓 民望許寶 □□

□賓民望孫陽爾 省事趙謙 都督□融 民望孫

長和 道人惠哲 都督□祖 民望孫法凝 西曹

張徽 博士□化 民望張永洛 李臺尉姨 都督

敬難 民望韓係叔 司馬王具唯 都督毛季業

民望韓海口 外兵司馬景 都督萬孟津 民望趙

方達 外兵王景嵩 都督孫承明 民望仇猛席

帳內王鸞海 都督王遵賢 民望聶保壽 民望劉

彥始 都督王買 助教聶染庸 黨司徒始隆 五

宦成勇沈貴遠 蔡襄洛 邑子韓長茂 民望伏生

頴當世 毛仲賢 都督敬文賢 民望景嵩趙永隆

屈伯奴 丘哲 王軋 長流張尚尹洛祖 吉苟

子 趙常 鍾遵 民望力和韓道穎 馬伏貴 張

穆 閻翔 民望艷明鄧縉國 王叔尔 龍穎 閻

軋 邑子王仕元邑子成淵 胡女佐 韓亮 焦弁

以上第三列

衆軍賈充 民望宋方 隊主石猛 邑吳成奇 黨

許洪朗

以上第四列

持節假征西將軍平西將軍陽翟鎮將帶陽翟太守晉
州平陽郡晉秋鄉古遷里人敬鴻顯 穎州沙門統慧
元 穎州沙門統曇永 司州沙門統道鐔 陽州沙
門統道慈 穎州沙門都道業 穎州沙門都慧範
穎州沙門都智定 穎州沙門都曇佳 穎州大律師
靜遵 穎州沙門都僧雅 法師晉州都靈洪 法師
司徒寺慧辯 長社縣維那法嵩 張顯公寺主法敬
法師寧國寺曇怱 法師寧國寺法豫 法師丈八
寺僧慶 法師司徒寺僧景 元領軍寺主法興 臨

潁縣維那道顯 潁川郡維那僧度 許昌郡維那法
炬 陽翟郡維那道希 法師祖寺僧遠 敬公門師
慧哲 齋主白塔寺道場 前禪靜寺主智遵 前禪
靜寺主法榮

以上第五列

當營構寺主道智 營福都維那慧益 長兼都維那
慧生 長兼都維那靜意 長兼都維那道果 長兼
都維那道海

以上第六列

乾隆初年長葛民墾地得古碑剔之完好樹於陘山

書院按碑爲北齊僕射永安侯敬史君顯雋功德撰
銘傷厥休烈文雜儻體書則自晉趨唐爲歐褚前驅
居然古氣磅礴惜作者書者皆不叙名攷敬氏世裔
出自陳公子完土居封爵俱隸太原而建利縹葛者
則以僕射有平頽之功焉今北齊書本傳祇記其從
高祖龍興功而其仕北魏女君稱制棄職肥遯孝莊
帝時亦不得志乃杖策謁神武雖尺寸風雲亦可補
史策之闕略矣考古者兼搜古今石刻豈徒寶其書
與文哉後之好古者善護之又史傳名顯雋字孝英
而碑則闕其名字顯雋亦微異云

沈青崖跋

右碑題禪靜寺刹前銘敬史君之碑乾隆己卯歲錢塘周君天度以戶部主事出知許州搨一本貽予讀其文蓋頌潁川刺史敬顯儁而作寺故潁川太守梁洪雅所建而顯儁修之曰敬史君者借史爲使也顯儁齊書北史有傳北史云陽平太平人陽平蓋平陽之誤太平魏書地形志作秦平此碑亦稱平陽秦平與魏書合載顯儁歷官殊略以碑攷之釋褐奉朝請靈太后稱制棄官歸孝莊初還朝封秦平縣開國子除晉州別駕後從齊神武起兵以功封永安縣侯食邑千戶拜車騎將軍度支尚書轉都官尚書孝靜初

爲汾州刺史轉晉州刺史拜儀同三司驃騎大將軍
 潁州刺史大都督潁州諸軍事其次第如此而齊書
 所云羽林監行臺倉部郎中則碑無之蓋顯儁未嘗
 爲此官故北史亦不取也碑云公名字空一字顯儁而
 傳云字孝英蓋先以字行後乃別立字爾碑中別體
 之字如抱作抱后作看減作感綱作綱佩作佩儀作
 儀鴟作鴟壑作壑喜作喜聯作聯廊作廊服作服其
 它不能悉數也泰本从木碑从心蓋流俗之譌相承
 久矣碑陰題名有功曹中兵騎兵長流城局士曹鎧
 曹集曹默曹皆府屬官也諸曹不言參軍者省文也

隋書百官志有墨曹無默曹借然為墨也有州都西
曹祭酒門下省事皆州屬官也門下不言督亦省文
也民望月令黨司二者其義未詳民望多至二十餘
人蓋非職官之稱矣其云萑社令者借萑為長也

堂全在
文或凡

碑記顯備歷官最詳按北齊書列傳云為晉州別駕
行臺倉部郎中轉都官尚書北史淮云歷任度支尚
書封永安縣侯出內多歷顯官而已碑獨不及行臺
倉部郎中宰相世系表又北齊僕射史又不載不知
何也此碑以梁洪雅建寺顯備重修故為是銘後有

新除潁州刺史崔叔仁名碑字最謬不可勝舉其云
 百城旆樛乃施柝異文弱齡聰琦乃聰睿假音惟何
 矜作何猶用冒字正文與篆法合陰列官將民望沙
 門名字所載敬氏之族甚多有主簿敬頻攷宰相世
 系表在顯儁上第三格云類後魏北絳太守乃是顯
 儁之曾祖不應于顯儁立碑時列名俾陰蓋或是族
 曾祖行而世系表誤分其格正直顯儁之上也中州金石記

碑首行云禪靜寺刹前銘下空一字又云敬史君之
 碑一文兩題文義不通於碑之體或亦不合乃其文

則又斐然可觀乾隆三年長葛縣知縣許蓮峰於轅
轅灣地中掘出頗完好共八九百字缺者止十餘字
顯儁後仕齊北齊書北史皆有傳碑云公諱下空一
字字顯儁而齊北皆言顯儁字孝英蓋或其名鄙以
字行後別爲字此碑則未有字時立也齊云平陽人
北魏地形志晉州平陽郡有泰平縣此但舉其郡碑
云平陽泰平人皆是北云陽平太平人則誤矣陽平
郡自治館陶屬司州也碑云解褐奉朝請時女后稱
制權移外戚掛冠歸孝莊初還朝封泰平縣開國子
除晉州別駕齊云初爲羽林監碑不言碑又云永安

云季元兇伏罪殘醜遺燼更相鳩率始資賈誦之計
終成李郭之舉攷永安終於三年故云季是年誅爾
朱榮故云元兇伏罪而賈拔勝爾朱世隆司馬子如
爾朱拂律歸爾朱兆相繼攻洛故以李催郭汜爲比
碑又云大丞相勃海王德隆齊晉作牧唐都志存匡
合公涂識時雄罔計強弱豹變從時應機而起進封
永安侯食邑千戶拜車騎將軍度支尚書俄遷都官
尚書丞相謂高歡齊言初得歡以爲行臺倉部郎中
碑皆無之碑又云今上德配口口融齊日月迺以公
爲汾州刺史尋轉晉州刺史又拜儀同三司加驃騎

大將軍潁州刺史大都督潁州諸軍事今上謂東魏
孝靜帝潁州地形志孝昌四年置武泰元年陷武定
七年復是也齊云從高祖平寇難之三以下則皆立

碑以後事矣

蟻術編

碑題禪靜寺刹前銘敬史君之碑其稱史君者顯儁
爲潁州刺史也禮雜記客使自下注使或爲史漢書
霍光傳使樂成小家子師古曰使者其姓也字或作
史因知史與使二字古可通用也顯儁歷官北史本
傳稱從神武信都舉義歷位度支尚書以功封永安
縣侯河清中卒於兗州刺史齊書本傳爲羽林監高

相啓爲別駕行臺倉部郎中轉都官尚書二書所載
畧異然以碑證之蓋於孝莊初封泰平縣開國子及
拜車騎將軍孝靜初爲汾州刺史轉晉州刺史拜儀
同三司驃騎大將軍潁州刺史大都督潁州諸軍事
皆未及也

授堂金
石跋

按碑述其先世云虞舜之苗裔出敬仲之後蓋敬
本媯姓陳厲公子敬仲之後通志氏族畧所謂以
謚爲氏也漢有敬韶官揚州刺史歐公得其碑文
字磨滅惟其初有敬仲二字遂目爲敬仲碑載集
古錄然則敬氏叙碑皆推原於敬仲也又據金石

錄敬君像頌跋云敬君名曠顯雋從弟十世祖漢揚州刺史韶按後周書敬珍傳唐書宰相世系表皆云韶漢末爲揚州刺史而姓苑與元和姓纂皆作歆疑轉寫之誤又據碑顯雋乃韶十世孫而姓纂以爲九世亦誤也云云据此則顯雋之十世祖乃韶也碑紀敬史君歷官云解褐奉朝請於時女后稱制者指魏宣武帝靈皇后胡氏也大丞相勃海王德隆齊晉作牧唐都者指大都督晉州刺史齊獻武王封勃海王中興元年爲侍中丞相高歡也碑立於興和二年庚申計自解褐之初至此首

尾僅十三年立碑之意專紀其都督潁州時政蹟而尤重其營造禪靜寺之功德也潁州刺史崔叔仁是立碑之主故特列銜名於頌後此後列施地檀越姓名不與碑陰同列者重其施地之功也以件拾畝爲五十畝件伍通用也碑多別體字如宿接輕肥之接字玩文義疑卽裝字移置也噉飯作敢飯或是省文塗炭作茶炭或是通用高做作高做則筆誤矣碑陰列一百四十餘人而敬姓者十四人獨敬鴻顯旣列於第一列之第四行又列於第四列之末行前作鴻顯後作鴻顯前銜但云持

節假征西將軍太中大夫陽翟太守後銜則云持
節假征西將軍平西將軍陽翟鎮將帶陽翟太守
此下云晉州平陽郡晉秋鄉吉遠里人不知與史
君同里居否也敬清奴稱小郎君殆陳留太守敬
忻之子也碑中有民望有都民望想皆郡人之著
者有外兵有帳內皆軍營之職隊主疑卽隊主亦
軍職也有沙門統有沙門都有道人想皆僧職也
慧哲僧也而稱之曰敬公門師殆爲史君所尊禮
也曰營福都維那曰長兼都維那皆他碑所未有
者助教蟲染虎染當是染字卽七虎也其曰李臺

金石編卷三十一
尉煥曰吉荀子命名之義不可曉曰黨司徒始隆
曰五官成勇沈遺達曰民望伏生穎當世曰民望
力和韓道顯曰邑吳成奇曰黨許洪朋曰蕭圭曰
塔寺道場義亦未晰曰民望聶保壽曰焦弁曰長
社縣維那法嵩字有不可識者或疑長社卽長社

金石萃編卷三十一

賜進士出身 誥授光祿大夫刑部右侍郎加七級王昶撰

東魏二

李仲璇修孔子廟碑

碑高七尺四寸五分廣三尺六寸二十五行行五十一字正書兼隸顏體魯孔子廟之碑六字篆書今在

曲阜
孔廟

粵若替古 殺后欽明文思衡宰遺德丕顯九功咸事

故能庸勳親賢官方式敘 惟大魏徒鄴之五載 皇

口興和之元年天子口吞黃雀出日寔唯濟岱宣風敷

化義屬英良以君理思優敏實惟舊德昇朝長民物望

斯允必能絃歌郡魯剋檄斯□□制□□冊拜我君公
使持節都督兗州諸軍事車騎大將軍當州大都督兗
州刺史君姓李字仲璇趙國柏仁人也其先帝高陽之
口襄柱史之璽左車之綿緒瑤光休彩赫奕於上齡若
木嘉祥蒞葦於季葉君以資解褐奉朝請俄除定州平
北府法曹參軍仍□□功□諮議參軍事定相離三
州長史東郡汲郡恒農三郡太守司徒左長史中散太
中大夫營構都將離兗二州刺史所在恩□遺訓在民
□□易地而貞觀不移君鳳舉雲翔風期如一斯寔
□□直置於輿同悒然不樂思仁未深刑平惠和

爲淳□□□□寵□□榮奕葉重光之貴氣韻優峻
之奇政績精熙之美旣備於史傳與清頌故不復詳載
焉君神懷疎爽風度絕□學業□□源竝深趣操□□
松俱秀故其埭竟部也嘗未浹旬言觀孔廟肅恭致誠
敬神如在遂軻車曲埭飲馬沂流周遊眺覽尚□伊人
□□慨然有報功□□之意乃命工人脩建容像孔子
曰從我於陳蔡者皆不得及門也因歷敘其才以爲四
科之目生旣見從沒□□侍故顏氏□□□於易辭
起予者商紛綸於文誥是則聖人之道須輔佐而成故
曰吾有由也惡言不聞於耳所以雕素十子□□其側

今於口口口口奉進儒冠於諸徒亦青衿青領雖逝者
如斯風霜驟謝而淪姿舊口腰似還新至如廟宇凝靜
靈姿嚴麗口口之口無以踰七口之房不能出夫道繫
於人人亡則道隱斯大義以之而乖微言以之而絕今
聖容肅穆二五成行丹素陸離口口口口口口微咲
而口言左右若承顏而受業是以觀之者莫不忻忻焉
有人室登堂之想斯亦化口口一隅也天誕聖哲作民
師口口風口闕里拊口口洙泗至於歎鳳鳥之寂寥傷
河岳之莫出屢應躬而不遇知道德之不行乃正雅口
脩春秋刊理六經懸諸日月口口載之口莫不遵口義

以述作服其訓以戒身咨可謂開闢之儒聖無窮之文
宗者矣此地古号曲垣是唯魯都雖宮觀荒毀臺池口
口然其廟庭也蔚口林於九冬罩脩柯於百刃類神枯
之後漢同梧宮之巨園至夫鴻隨秋下則月秀霜枝鷓
逐春來亦風開翠葉既口口口口亦足以安樂聖靈
是以無代不加脩繕億載以寧神君清明在躬精思
入微功被人神德貫幽顯豈唯豐飭宣質經荆口口口
口口口如虔脩岱嶽崇奉靈宗敦素翦華興存廢絕視
民如傷納之仁壽體亡懷以幽詒任万物以爲心豈直
靈津孤澗虛光獨散者哉夫一月之明可影百川一人

之鑿從橫方越爰自刺舉未或斯同然丹青所以尙盛
口金石所以刊不朽口口不鐫珉瑤焉述府州佐口口
口口令士民等略序義目樹碑廟庭俾後來君子知功
業之若斯焉乃作頌曰

二儀肇泮人倫攸舉選選靈王誕茲聖緒祖習堯舜獻
章文武聲溢九天化潭八字祖習口口聖神盡妙化潭
伊何口口存放口回麗景搏天孤昭無異岱宗巖巖特
峭重山隱寶深霞秘暉在哀之葉自衛言歸德生於子
文寶在茲彝倫禮樂剋敘書口口口驚異灰管流氣良
木其摧緬踰千祀以存恕亡允諸靈意不有伊人熟云

脩世唯君體道布政優優白鳩巢室赤雀西樓仁罔不
脩智□□周器冠後梧風邁前脩旣繕孔像復立十賢
誠兼岱宇勤盡重嶽仰聖儀之煥爛嘉鴻業之蟬聯長
無絕于終古永萬□于斯□

興和三年十二月十一日功

碑陰

碑陰共三十九行前七行在額後三十二行俱
在上截其下截無字每行或一人或二人正書

鎮遠將軍倉曹參軍蓋子華

前將軍功曹參軍屈備

征虜將軍錄事參軍李良賓

征東將軍壽陽子司馬時老生

征東將軍長史崔环

冠軍將軍別駕從事史順陽子張敬賓

鎮遠將軍治中從事史魏子良

以上在額後

輕車將軍典籤王遵

寧遠將軍典籤□□

員外奉都尉滕子充

揚烈將軍新陽令攝典籤衛恩

伏波將軍員外給事中丁貴賓

冠軍將軍長流參軍劉孝遵

中堅將軍前平原令郝靜和

明威將軍長流口參軍林寧

典籤華暉

伏波將軍前襄國令長流參軍李世榮

冠軍將軍默曹參軍張洛口

口父令朱槃父

冠軍將軍法曹參軍彭伯怡

征虜將軍錄事參軍張子欽

中堅將軍參軍事王元龜

樂平令秦仲暉

中堅將軍錄曹參軍蘇文淵

須昌令孫世樹

平南將軍田曹參軍劉僧仁

魯縣令宋敬遵

征虜將軍城局參軍禹太安

前郡主簿陳祖明

平南將軍長流參軍徐沫保

鎮城司馬何通

冠軍將軍騎兵參軍范紹羅

主簿袁康生

蒲國將軍外兵參軍孫景貴

中兵參軍張輔仁

平遠將軍主簿范伯珩

士曹參軍周胤

鎮軍將軍中兵參軍元貴

泰山郡孝刑獄參軍王元愷

魯郡丞孔白鳥

鎮西將軍金闕

國太守牛神

魯郡功曹韋口孝

使持節督兗州諸軍

關

關泰山太守郭叔略

安東將軍口

關

魯郡主簿晁口遵

前將軍東平太守口儂

魯郡五官口神穆

征虜將軍任城太守馬顯都

魯郡省事高道愨

安東將軍陽平太守高元和

郡錄事夏蓋祿

郡功曹吳奉祖

樂酒從事史禮當德

殊親將軍幢主卜神景

殊親將軍幢主高設愷

黃衣隊主鮑琛榮

部郡從事史樊口琛

部郡從事史口樓

部郡從事史口嵩

征虜將軍前任城太守耿僧琛

金石錄卷三十一
七
驪驤將軍東平太守趙良征

碑側

內口書任城王長儒書碑

魯孔子廟碑後魏北齊時書多若此筆畫不甚佳然亦不俗而往往相類疑其一時所尚當自有法又其點畫多異故錄之以備廣覽

集古錄

東魏脩魯孔子廟碑見歐陽公集古錄公絕不取其文特以其用筆不俗而字畫多異聊存之今考之果爾蓋崔司徒之遺軌而公家蘭臺之濫觴也廟爲兗州都刺史李仲璇所修仲璇其字不著名趙國柏仁

人柏仁當爲柏人碑誤按仲璇勲閔名位亦不薄而
史不之載豈以其非平棘裔耶廟修于靜帝徙鄴之
五歲時賀六渾曰與黑獺勁東西之鹿未歸而司土
者能從事於學校可佳也

兪州山人續稿

李仲璇爲兗州都督修孔廟建碑事在興和三年史
官稱之是時高歡與宇文泰方確鬪關洛而東魏又
當遷都之際仲璇乃能改修孔廟崇尚文儒賢矣碑
正書時作篆筆間以分隸形容奇怪考古書法大小
篆謂之篆東漢諸碑減篆筆有批法者謂之隸以篆
筆作隸書謂之八分亦謂之隸正書謂之今隸亦謂

之楷然則如此碑篆耶分耶古今隸耶

石鑿
鐫華

李仲璇東魏世家當中原雲擾知尊孔子能修繕廟

庭先是宮牛阻嶮又能以威惠歸伏史稱所歷竝著

清勤是且具有文武焉碑不著書者姓名猶存古意

雖筆力勁駿如偏面驕嘶又如辨髮章甫殊俗掛讓

江式書表云皇魏承百王之季世易風移文字改變

篆形錯謬隸體失真俗學鄙習復加虛造以意為疑

炫惑於時不獨正其偏傍正為此等書發耳唐景龍

觀鐘銘源出于此少劑以雅馴便勝

金石
史

魏書李仲璇傳除車騎大將軍兗州刺史仲璇以孔

子廟牆宇頗有頽廢遂修改焉卽此碑也其文一行
之中有篆有分有隸有草雜亂無倫而或者以爲奇
然則作詩者亦當一句騷一句漢魏一句選一句律
而後爲奇也此愚之所不解也引禮記梁木其摧作

良木尤誤

金石文
字記

右曲阜縣修孔子廟碑立石杏壇之下碑尚完好雜
大小篆分隸于正書中蓋自太武始光開初造新字
千餘頒之遠邇以爲楷式一時風尚乖別此江著作
式所云世易風移文字改變俗學鄙習炫惑于時者
也曩觀太原風俗高齊時鐫石柱佛經亦多類是斯

亦穿鑿失倫矣仲璇魏書有傳自兗州還除將作大

匠卒贈驃騎大將軍儀同三司青州刺史

曝書亭集

右碑興和三年十二月兗州丞令士民頌太守李仲璇也魏書本傳以改修孔子廟爲仲璇一生政績始知當時尊崇聖道者鮮矣碑云君姓李字仲璇趙國柏仁人也自晉以後名字不辨或以字行故字與名皆諱之仲璇以字爲名非別有名也乃李順之族子而順傳爲趙郡平棘人按柏仁屬南趙郡豈以順父系爲平棘令因家平棘故順傳據之而其初居柏仁耶碑系仲璇治兗時立不應有誤第柏人爲漢縣卽

魏地形志皆作人此曰仁又何也傳云奉朝請定雍

二州長史碑則云奉朝請俄除定州平北府法曹參

軍仍闕三功曹參軍事定相繼三州長史傳云營構

將作碑則云營構都將其衛將軍車騎將軍衛大將

軍金紫光祿大夫左光祿大夫爲碑所遺至將作大

匠驃騎大將軍青州刺史爲兗州以後除贈之官也

金石後錄

仲璇爲兗州刺史修孔廟立此碑東魏興和三年梁

武帝大同七年也干戈搶攘中能留意聖宮仲璇可

謂知所好尚矣來齋金石刻考略

金石錄卷三十一
是碑興和三年以頌李刺史仲璇修孔廟功而竹垞
卽以爲仲璇所作誤矣

結埭
亭集

右兗州刺史李仲璇修孔子廟碑魏書本傳稱仲璇
以孔子廟牆宇頗有頹毀遂修改焉碑蓋述其事而
以十哲配食孔子實自仲璇始矣其云使持節兗州
諸軍事車騎大將軍當州大都督兗州刺史當州卽
謂兗州猶云本州也碑敘所歷官與傳大略相同惟
傳云定雍二州長史不云相州又以營構都將爲營
構將作則其缺誤也北史但云營構將無作字頗與
碑合碑稱仲璇趙國柏仁人本傳作趙郡平棘考之

地形志平棘屬趙郡柏仁屬南趙郡本非一地意者
李氏之望出自平棘而仲璇又別居柏仁乎其云傷
河曷之莫出曷本音鄙借作河圖之圖按廣韻十一
模部圖字下別出曷字注以為俗葢後魏字已然矣

唐張希古墓誌
豈骨二整典災

銘其云祖習堯舜獻章文武述之為

習憲之為獻皆異文

潛研堂金石文跋尾

按關里舊志載此碑粵若稽古睿后作粵若稽古睿

台天

闕二字

谷作天官次谷克振斯文

闕一字

制闕二字冊

拜我君公作克振制冊拜我郡公訛一字脫五字君

姓李字仲璇作姓李諱廷字仲璇脫一字添二字其

先帝高陽之闕二柱史之陰左車之綿緒作其先帝

高陽柱史之陰左車之綿其脫四字所在恩闕一遺

訓在民夫松桂易地作所在恩庭訓在民闕一懷娃

易地階資寵闕一之榮作崇階貪寵之榮史傳與清

頌作史傳於清頌皆不得及門也生既見從沒闕二

侍作生既見從沒若之何侍於其側作侍於闕一其

側碑本無闕多空一字暖似還新作暖以還新闕二

之闕一無以踰七闕一之房不能出作世代之隔然

以踰七百之遠房不能出忻忻焉作忻忻然斯亦化

闕二一隅也作斯亦化行一隅也脫一字作民師闕

字闕一 闕里播闕二 洙泗作作民師表故休風流

闕里播洙泗縣諸日月闕二 載之闕一 莫不遵闕一

義以述作作懸諸日月闕一 載之刪籍莫不得其道

以述作燕逐春來亦風開翠葉作燕逐春來而風開

翠葉體亡懷以幽闕一 作體古懷以幽詢闕一 直靈

津孤灑虛光獨散者闕一 直字上者字下碑俱有一

字今皆脫去誕茲聖緒作誕茲聖口先聖 祖習作祖

述闕二 存教闕一 同麗景作存闕二 同麗景梁木其

摧作梁木其措諸碑訛字不少而此碑為尤甚焉孔

說汾

右碑所載仲璇歷官按之魏書本傳多合惟傳但言仲璇修改孔廟廡宇不言廟庭配食弟子據碑知孔廟之升祔十哲及十哲之有素像皆自仲璇始又聖象祇進儒冠諸徒皆青衿青領皆學者所宜知也書兼篆隸如扶疏作莸蔬赫作赫營作營舉作舉爽作爽學作學眺覽作眺覽然作然聘作聘像作像從作從武作武皆別體以潭爲覃以蟬爲蟬以百刃爲百仞以良木爲梁木以熟爲孰以畫爲圖皆通用字至煥爛之爛乃正字今省作爛雕素之素或以爲堦之別體不知堦本俗字古祇作素錢辛楣少詹云唐青

蓮寺碑有素畫彌勒佛之語是其證也沅案字體之變莫甚于六朝然其中有用古字處未可盡非余昔以文字異同著爲辨證一書意在糾正時譌開有未備今更詳之碑陰列銜中有稱泰山郡孝及魯郡省事皆史書所略碑側一條尤爲著錄家所未見也

金石志

碑爲府州佐及令士民樹於廟庭蓋記李仲璇修廟設像容其云仲璇自隸奄部嘗未浹旬言觀孔廟遂有斯役魏書本傳出除車騎大將軍兗州刺史仲璇以孔子廟牆宇頗有頽毀遂改修焉是其事也碑稱

乃命工人修建容像孔子曰從我於陳蔡者皆不得
及門也因歷敘其才以爲四科之目生既見從歿口
口侍雕素十子口口其側今於口口口口奉進儒冠
於諸徒亦青衿青領按水經注魏黃初元年文帝令
郡國修起孔子舊廟廟有夫子像列二弟子執卷侍
立是廟制久以弟子配矣然十哲之侍後世蓋沿於
此予故爲著其自也聖容及列侍諸賢並從儒服制
猶近古其後但以袞冕炫飾非崇素之意矣小松云
碑側有一行知是王長儒書

授堂金
石跋

按此碑額題魯孔子廟之碑六字筆法詭異非篆

非籀文云赤雀西樓西卽栖字篆本作鹵後人加
木作栖也搏天孤昭据上下用韻似當作孤照方
叶然碑實是昭字論語皆不及門也文多得字碑
陰列殄寇將軍幢主二人幢主當卽幢主碑在孔
廟同文門下碑陰靠壁塌者未之及故曲阜縣志
金石卷所未錄中多闕處係原石有斑駁者則讓
出不刊非闕蝕也碑側一行書體頗與碑文不類
且碑陽年月下儘有餘石何以書人題名碑側恐
後人妄增姑識此疑與好古者共質焉

李洪演造像頌

頌橫廣二尺三寸五分高六寸五分廿四行行九字正書

邑子李洪演造像頌

夫靈光郁烈雖體洞口塵然一乘震運則十躔競發故釋迦出沒有其口也是以邑義等皆藉出蘭蕙秀貫烟霞悼純暉之日削惻重閣之年深遂相舉捨爰荷嘉石於此奕塏營像一區庶鍾万品等皆十号頌曰

湛矣澄源條哉寶觀息攸擬邁茲陳濟事等手足道猶花楸遠邇口津清濁交判有釋迦興體苞睭達淨樂蕭然常我無過三徑是填五葢終脫六度告口雙林顯未於膠邑義廣夏之樑爰樹瓊像髣髴遺光功崇先祀

福潤見方咸□□吉永拔宿霜

武定二年三月一日造訖

邑主造象訟

碑橫廣二尺七寸八分高一尺九寸六分廿一行行二十字正書在儋師縣

大魏武定六年歲次戊辰九月己未朔十二日庚午邑

主

敬造石像碑文

夫鑿精曠遠妙理冲深至道不廓幽蹟難覩故像物隱
光出於恍惚之中法相淪暉生於希夷之外曠彼靈山
結五子之遐想睠茲淶水闢九龍以成津瞻堂□若穹
旻之帶曜霽尋之杳莫若遊霞之登九霄□□正覺焉

可究歿故佛弟子邑主

等導流羣

宛翫光嵩洛據德衡口道冠中鼎然口以生逢隘運形
 沉丘壤識果菜之可崇知冥口之有期恐朝露之命觀
 太陽而旭晞草木之年隨秋霜而降墜怙侍先霽口極
 之効弗展幼子避衰覆育之恩靡託遂罄竭家資口引
 邑義構像通衢崇葱寶業茂峯峽谷之濱條蕩平原之
 里背祀丘吹樹形跨闕橋而建宇庶能使七世幽魂遊
 處天堂之中前亡後死免脫八難之吉爰及胄口口相
 承軒蓋重輝寃褫繼世八衛鈞陳出宰蕃岳台鉉相望
 珪璋煜影奔口口蔚流嚴策素伏願 皇道輝熙景命

維新駿奔口馳戎保交口行蘆歌德霜壘披澤齒錄再
炳升平吉始凡廩蒼生成蒙斯福乃作訟曰

睚口啓靈學道求真国王非寶儲二匪珍捐妻施子口
若遺塵金軀靡恠口口投身遂登正覺神通自然群魔
稽首靈冠諸天慈悲万有光照大千苞綸曠劫仰之弥
豐擾擾群生有善有惡報應如響隨心降穰磬茲懇果
庶鬼鼎雙覲拔幽魂運神妙樂伏願 皇家景祚康延
解鞅桃林釋纜口山蒲車嚴阿訪逸求賢孤竹捨微黃
綺執鞭誅木佞設諫鼓空懸導茲邑義採石嵩陽口琢
是肯樹此福堂勒碑啓像跨躡崇口口之皎皎千載流

芳

按此碑前人俱未著錄云邑主敬造石象碑文邑主
下及故佛弟子邑主下俱空八字無人名本非殘闕
當時待填姓氏耳文與字亦頗拙其別體甚多然云
仰之涂元元遠也又云隨心降穉穉落也又云磬茲
愚果當借爲牘字多也見六朝時人猶能用古字古
義今則文章日尚通俗不出尋常行用之字矣

記

中州金石

按碑立於武定六年九月据魏書是時蕭淵明雖
已被擒而侯景尚有渦陽之戰蕭衍雖已乞和而

王思政尚有潁川之討碑所謂伏願皇家景祚康
延解鞅桃林釋轡口山者蓋深望干戈之息也碑
中希裘卽希夷霈卽靈哉卽哉彤宛卽荆宛勉脫
卽免脫勉疏卽冕旒策素卽篆素釋轡卽釋轡至
以頌爲訟說文訟爭也一曰訶訟是本作訟字後
入作頌乃借容兒之頌字也此又六朝人用古字
古義之證矣

張保洛等造像記

石連象不知高若干尺廣一尺四寸厚六寸九分四
面刻前面十二行後而十四行兩側各七行行皆七
字正

書

大魏武定七年 二月八日 前使口節都督夏蔚二州
 諸軍事 衛將軍夏蔚二州刺史 當州大都督 安武縣
 開國伯 又口西大將軍 儀同三司 行晉州事 東雍州鎮
 城安武縣 開國侯 張保洛 前使口節都督 東荊州口口
 事 征西將軍 東荊州刺史 當州大都督 東雍州鎮城 永
 寧子 劉襲 假節 督東雍州諸軍事 新除 右將軍 東雍州
 刺史 當州都督 口慈子 薛光熾 等 敬造 石碑 像 四佛 四
 菩薩 藉此 微功 仰願 先王 婁太妃 大將軍 令
 公 兄弟 等 亡 各 昇 天 託 生 西 方 无 量 壽 佛 國 現 在 眷 屬
 四 大 康 和 輔 相 魏 朝 永 隆 不 絕 復 願 所 生 口 母 乃 及 七

世皆生佛土體解口道口口妻子無口延年長享福祿
在在處處口善知識又使兵今年不興開隴自平普天豈
樂災害不起乃至一切有形衆生蠢動之口皆發菩提
道心口口口佛

按碑立於武定七年記張保洛劉襲薛光熾三人
造象之事碑稱張保洛使口節都督夏蔚二州諸
軍事衛將軍夏蔚二州刺史當州大都督安武縣
開國伯又口西大將軍儀同三司行晉州事東雍
州鎮城安武縣開國侯以北史張保洛傳證之保
洛少爲爾朱榮統軍後隸齊神武爲帳內元象初

爲西夏州刺史以功封安武縣伯從戰芒少進爵
爲侯是保洛封爵傳與碑同其歷官則傳但有夏
州刺史而不及蔚州其餘碑所稱者傳俱略也孝
靜帝本紀但有武定元年破黑獺於邙山而不及
芒少不能定其進爵爲侯者在何年要之不出武
定七年以前之事然碑後有云藉此微功仰願先
王婁太妃云云傳不言保洛先世有封某王者其
自封敷城郡王亦在齊受禪後則碑之所稱先王
無從考矣劉襲薛光熾史俱無傳

義橋石像碑

碑連額高七尺五寸廣三尺三寸上截二十六行行
四十二字下截二十七行行三字正書今在河內武
德鎮

武德于府君等義橋石像之碑

夫梵燈遐麗長夜襲其明慧教洞開群迷啓其目是已
神光未滅感膺於西胡金篲雖謝夢現於東漢抑亦愍
世多艱下生思士運濟貫心慈悲注意歸依者塵霧莫
復迴向各雷電不撓信是昔海之靈丹酷旱之甘露矣
惟此區域兮稱舊挹舜禹懷譚之地殷周畿甸之土晉
啓山陽鄭錫河浚綵趙稱都入魏爲鎮及秦吞六雄跨
脊四海嚴侯且守一統九服項羽改名殷國漢高復立

爲甍自茲以還爲河內下邑屬 皇朝遷鼎卜食漳濱
遂方割四縣在古州城員武德彪焉北通燕趙堂堂之
風相治南引鞏雒穆穆之化口清西瞻軹塞則連山萬
疊東望平阜則曠野千里長河帶其前太行環其後車
馬之所混口舳舻之所湊集頗是一都之要慮實爲三
魏之達道若其沈澗雙吐丹絕竝納勢等周原美齊陸
海袂散成帷人縈茗繡禮樂尚繁風儀未革然郡土遼
廓泚水橫流源自羊頭之山發於麻谷之口滔滔晉域
作紀懷方引境過於鄭白流穢踰於汾澮但波漸臺雉
岸合崢嶸揭厲多危注來受慮至於秋雨時降水潦口

鷲馬牛雖辨公私頗廢有咀乘車之義事切朝涉之艱
軍威將軍懷州長史行武德勣事河南于子建車騎將
軍左光祿大夫平臯令京兆杜護宗前將軍懷縣令趙
勣李同賓伍西將軍州縣令扶風馬肅洛矧難將軍溫
縣令廣寧燕景裕伍虜將軍勣丞東平呂思哲或分竹
專城或擇木百里鵠起來同共治民瘼况同覩艱辛俱
看危滯一物可矜納隍在念敬思包鹿濟難之仁俯口
口龜報恩之惠雖無武庫造梁之工術且口沙矧訪津
之慇懃查討問俗便獲口口軌躅雖亡遺柱在目父口
口傳咸屬周時稱其板構与城俱廢乃於農隙之月各

率祿力□□及□朝文武□懷憲願七月六日經始此
橋助福者比肩獻義者馳轂人百其功共陳心力至廿
四日所□便訖不煩遐逖荷擔之勞未遘士民尺寸之
木雖無匪石之美庶省決辰之費脩柱揭以插泉華衣
舊而軼漢紅□交架以□□綺蘭聯絲而雲布引北山
之饒則人無遺力積南市之富而家有餘資昔伯度記
功勒燕然□□文淵表□□象林之銅作述之理雖殊
刊錄之情不異况四生躋駭同悲欣坐境十回還通勁
風電之力□不歸依寶□□□神教遠擬彼岸之喻近
取成務之言恐沮勸之道未宜畫拊之功虛燼乃運石

立碑敬鑄尚像窮般馬之巧盡金龜之饒使四部注來
起歎慕之心六道奔趣識風雲之會其詞曰

清虛曰道匹直為神有一於此用表生民淵乎大覺至

矣能仁行成元吉德伏波旬其一芒芒禹績渺渺桓功為

口左衽迭聽前風九州咸載五等終同分壇敷土俾侯

樹公其二美茲舊甸麗其新邑彝帶山河苞首原隰祀樂

仍賁風激猶緝青莖可剪潢流可挹其三粵余承乏謬廁

官方政慙春雨威愧秋霜情深履席意等納塵慕彼醫

藥眷此津梁其四渾渾沁水冀道名川既難揭厲又阻口

口爰始經謀義勸競填辰不再挾斯構已宣其五落落太

虛繞繞群有來同聚沫去齊過牖敬託三尊資彙四部
秀髯彼岸依憐可久

大魏武定七年歲次己巳四月丙戌朔八日癸巳建
楊膺寺金城寺雍城寺恒安寺苟塚寺朱營寺管令
寺諸師等見風燭以生悲觀泡沫而興歎遂乃落髮
以口鼻門抽簪而口梵轍嗟注還巨難愍揭厲多辛
咸施材木構造橋樑楊膺寺發善之源从爲橋主

碑陰

碑陰左右各列街名一行中橫十三列
行數多寡及字數全闕俱不齊並正書

中正 武德郡功曹張口口前河南郡功曹張義興

此行在
碑右

關中正張關 關司馬關 武德關 武德郡光初功

曹關 武德郡口丞關 武德郡孝口學關 關大都

督王關 郡功曹口子武德郡主口王朗伯關 中散

大夫關 張光關 梁世關 將軍給事中口口大都督

張景哲關 董口和關 前冠軍主防鄉都督李方貴

全關 一行全關 全關 關功曹關 二縣令關 關河

內郡關 關平臯令關 關中正司空關 關郡功曹

關從事關 關郡中正關 關郡中正關 全關 一行

全關 一行

武德郡中正

以上第一列

關 都道雄 關 都曇定 關 將軍武德郡丞呂哲 樂

善寺主僧湛 郡沙門都維那法雲 平臯縣 關 陽

普泰寺僧法口 河內郡中正州西曹書佐張思賢

前州都司馬洪固 旨授定州刺史馮雙安 前河內

郡 關 寄 旨授勃海太守張法安 旨授洛陽令張蓋

周 關 郎中口極 威烈將軍 關 郡光初中正李惟

李 全關 一行 全關 一行 全關 關 遠軍奉朝請梁 關 關

賓 關 關 永孝 全關 一行 全關 一行 全關 一行 全關 一行

以上第二列

王智延 張思顯 馮洪驚 張智達 馮旂顯 張
清席 王顯樹 文顯明 郭遵業 王元穆 王承
業 王副賓 秦永貴 王洪畧 王迥情 董珍寶
傅珍貴 王元慕 呂榮族 蘇顯業 王文讀
程顯樹 王金生 古子融 薛伏弊

以上第三列

高匡生 王暎宗 繁舍國 張子獻 王樹勝 樂
僧樹 邢子邕 郭義賢 邢連昌 王延和 王延
明 栾思和 馬晞賢 孟待賢 尋市和 王延遇
王子尚 王思政 王景琛 張思集 王道廣

陶歸洛 黃永遵 冷煥顯 孟子輝

以上第四列

趙和順 張口敬 口貴興 梁口口 口口龍 許

口龍 馮神寶 史衆慶 梁景輝 蘇儁 史元

遵 王洪景 張洪輝 王始和 張顯穆 高思慕

尋元允 王神和 王元貴 袁延康 王難施

王慶先 馮仲連 李顯榮 古元穆

以上第五列

衡野又 郝延慶 古伏寶 李崇賢 朱子壽 口

景穆 李景和 賀伯和 葉元儁 王義和 史仲

和 王市和 張當遷 臨慶波 高元伯 張叔業
王顯貴 口惠各 劉造口 王士口 鄭景口
繁桃樹 賈弁岳 邢季宗

以上第六列

孫元和 張起宗 周軋輝 王清休 郭領孫 陶
名遠 張貴和 邢智遠 楊桃樹 樂買德 董景
興 張法神 邢伯業 范景輝 馬大口 薛桃口
趙道口 張尚賓 蘭道成 宋方伯 梁勳戎
王叔業 宋市和 劉景伯 張洪儁

以上第七列

向元口 江輝略 山子雲 薛義賓 李榮業 趙

元和 馮延和 史起族 卑顯業 宋元達 王長

休 王神惠 徐和生 祁景振 丘小才 馬元集

牛顯祿 王法大 許子休 中叔珍 繁狂鷄

王野馬 馬天族 司馬郎仁 張沫虛

以上第八列

郭敬始 口口鬼 張景賢 王羔口 張始貴 宋

子誕 董道和 張僧敬 馮元爽 薛洪達 邢小

興 劉子樞 謝五適 韓舍興 賀景珍 郭元廣

王景輝 袁及先 王洪運 冷永初 續子輝

王元盛 董顯遵 朱神仲 李元暉

以上第九列

張思祖 蘇方先 馬景伯 張凶寶 楊元輝 楊
凶恒 張惡脾 趙樹兒 張廷賓 李珍陔 劉方
進 趙作醜 衛顯義 張顏淵 高顯賓 衛溫
韓胡脾 姚奚奴 史甌生 劉遵士 古顯哲
魏僧遵 任付賓 公孫依 韓敬賓

以上第十列

梁子剛 王伯醜 路思慚 程子巖 於永寧 原
子穆 王登生 馬靜光 王視脾 孫舍脾 續伯

和 劉清仁 馬桃生 孔世遇 吳世榮 李敬賢
宋天開 崔仲危 吳孝遊 尤丘宗 張廣業
馮清口 繁龍鸞 洽休慕 張世珍

以上第十列

武德郡兼功曹柳口 州縣中正兼郡主簿口永和
都盟主張毛賓 都盟主孟延貴 民望荀買驛 民
望史文祖 民望姬含族 郡兼功曹柴靈皓 宣威
將軍王龍櫛

以上第十二列

全 行 口安宗 口天口 關 一 牛承明 王女雅

馬通達 呂顯珎 生以下闕 等闕 眞假之

源闕 吾樂闕 趣宰闕 慈以下闕 施力以下俱闕

以上第十三列

伏波將軍前懷州防城司馬穆洛書此行在碑左

河南范君實夫年七十餘矣搜奇抉古多所雅聞爲

予言武德鎮魏修義橋碑四面有字其列名稱號皆

古質可愛予覓人拓出之如范君言考碑載魏置武

德在古州城又敘其形勝所據如云三魏之遠道三

魏卽三晉也不稱晉而稱魏亦如水經注魏分漢中

立魏興郡其意固以自雄也又稱沈溴雙吐丹絕竝

納按竹書有丹絕不流之文則丹絕不宜與沈湮相對而率然至此殆碑誤也碑陰上多漫滅有稱行授定州刺史旨授勃海太守旨授洛陽令又有稱郡光初中正郡盟主郡兼功曹民望等號左右兩側有稱民望及民望士象天宮主及天宮主兼郡功曹防郡都督又有稱平遠將軍白衣左右董延和考魏書恩倖傳趙修給事東宮爲白衣左右茹皓充高祖白衣左右今碑所書董延和者其亦恩倖之流與又其他稱號亦爲史志所不及悉錄而有見于此碑故識之以廣異聞也橋亦土木築叠爲徒杠輿梁之不過費

而成者碑甚鋪著其盛亦謂夸矣別體字亦作亦儀
作儀侵作侵苦作苦遷作遷雜作雜單作譚揮作揮
辛作率旅作祿積作積飾作飾饒作饒爽作爽婢作

婢標作標顯作顯

長堂金
石城

按碑云惟此區域爲河內下邑皇朝遷鼎方割四
縣在古州城置武德郡焉魏書地形志武德郡天
平初分河內置領縣四平阜溫懷州卽碑所謂方
割四縣也魏都遷洛事在孝文帝太和十七年而
武德置郡在孝靜帝天平初年距遷鼎又四十餘
年矣碑立於武定七年則距分置武德僅十五年

也碑又云沈溟雙吐丹絕竝納沁水橫流源自羊頭之山發於麻谷之口引溉過於鄭白流穢踰於汾潯說文沈水出河東東垣王屋山春秋注溟水出河內軹縣竝與武德相近據魏書地形志温縣下注云有温溟水温水出崆峒山在臨汾南入河見山海經與河內尚近若溟水則遠出遼東塞外西南至樂浪西入海見前漢地理志則地形志注恐是誤以溟水爲溟水也水經注云沁水又東與丹水合水出上黨高都縣故城東北阜下俗謂之源源水山海經曰沁水之東有林焉名曰丹林丹

水出焉東北流又屈而東注左會絕水地理志曰
高都縣有堯谷丹水所出東南人絕水絕水出沘
氏縣西北楊谷是丹絕係二水名與沘俱並通河
內武氏金石跋但据竹書紀年晉山公五年丹水
三日絕不流之語遂以爲丹絕不宜與沘俱相對
耳水經注云沁水出上黨沁縣謁辰山或言出穀
遠縣羊頭山世靡谷此碑云發於麻谷之口是碑
有異文也鄭白二渠名漢鄭谷與白公先後所鑿
事詳史記班固西都賦下有鄭白之沃衣食之源
汾澮本左傳新田土原水深居之不疾有汾澮以

流其惡碑蓋以比沁水之多利也建義橋者六人
懷州長史行武德郡于子建平臯令杜護宗懷縣
令李同賓州縣令馬周洛溫縣令廣甯郡丞呂思
哲皆武德郡之守令爲之武德與河內二郡同屬
於懷州于子建蓋以州長史而行郡事也呂思哲
旣見於文而碑陰又有武德郡丞呂哲未知卽一
人否也碑云軌躅雖亡遺柱在日則是舊本有橋
久廢而于子建等重建之也七月六日經始廿四
日訖功雖曰木橋亦云速矣文末年月後列七寺
以紀施材木之功而楊磨寺爲橋主列於首然則

建橋乃各寺之緣立碑則歸美於守令也七寺皆
不列僧名而碑陰則有樂善寺主僧湛沙門都維
那法雲普泰寺僧法口皆不與同列當是別爲緣
主也文內感應作感應楊磨寺似思士作思士若
繕作吝繕岸谷作岸合沙弥作沙於綺闌作綺蘭
蘭本與闌同餘皆別體也說文騰字从馬朕聲傳
皆作驚亦別體字碑書告字皆作𠄎而扶風馬𠄎
洛似非告洛疑是周洛碑首有北魏武定七年古
碑八字銘末年月前有民皇王進防口都督上續
爲亡父開佛光明上八字是後人所刻非原文

也碑陰列姓名幾三百人皆武德郡邑官吏有單
姓名者似皆部民也中有張沫虎與敬史君碑之
沫沫虎同名亦卽七虎也民望者郡民之望而又
有都盟主者二人不知何謂未有真假之云云七
行字多殘闕似係後敘非姓名書碑者穆洛魏書
官氏志云丘穆陵氏後改穆氏也